

欽定大清會典事例

欽定大清會典事例卷五百三十

樂部

樂制 樂器二

革之屬凡十有二。一曰建鼓。以木為匡。冒以革。面徑二尺三寸四釐。長三尺四寸五分七釐。面繪雲龍。邊繪五采花文。緣邊金釘二重。匡左右飾六角鏤金盤龍各二。口銜小金鐙四。匡下開方孔一。以方柱穿孔上擊鼓。下樹於鼓之趺。鼓有蓋。上穹下方。頂高八寸九釐。上植金鸞。黃緞畢。繡雲龍。四垂為龍首。鸞喙龍口及小環並垂。

五采流蘇。跌四足。飾以臥獅各一。鼓匡並柱。跌座皆髹以金漆。以木為桴。擊之。直柄圓首。凡鼓桴如之。二曰搏拊。制如鼓而小。面徑七寸二分九釐。長一尺四寸五分八釐。腰徑九寸七分二釐。匡上面飾金盤龍二。銜小金環。橫置。跌上。跌高一尺一寸五分二釐。凡合樂。工人以黃絨紉懸於頂。左右擊之。每建鼓一擊。則搏拊兩擊。以為節。三曰大鼓。面徑三尺六寸四分五釐。高三尺二寸四分。面髹以黃。繪五采雲龍。匡髹以朱。繪交龍。上下緣邊施金釘二重。腹內安銅膽。匡

半為金鑲四。以金鉤附鑲懸於架。架高六尺。四柱相距五尺五寸。各繪盤龍一。其端蹲金獅各一。下橫木為十字。以樞合之。以紅緞為鼓衣。垂綠幃。四曰杖鼓。木匡細腰。匡高一尺九寸四分。四釐。腰徑二寸八分八釐。兩端俱八寸一分。上下二面以鐵為匡。徑一尺二寸九分六釐。冒以革。匡與面皆髹以黃。緣以綠皮。繪五采雲龍。邊綴貼金如意鉤各六。聯以黃絨紉。束於鼓腰之間。飾以綠皮為蕉葉文。腰髹以朱。以紅漆竹片擊之。鼓衣與大鼓同。架為六柱相距。以橫木交

貫之。凡二層。亦髹以朱。又鹵簿樂杖鼓。面繪流雲。中為太極。匡繪金花文。腰繪金蕉葉文。餘同。五曰龍鼓。面徑一尺五寸三分六釐。腰徑一尺七寸二分八釐。高六寸四分八釐。面髹以黃。緣以綠。匡髹以朱。並繪雲龍。旁釘貼金銅銀四。以黃絨紉繫之。架用朱色攢竹三。各釘貼金鐵銀。中貫以樞而指之。陳鼓於架。行則懸於項。以雙槌擊之。鼓衣與杖鼓同。六曰導迎鼓。制如大鼓而小。面徑二尺四分八釐。腰徑二尺四寸三分。高一尺六寸二分。四旁釘鍍金銀。繫黃絨紉。以

紅漆木棍昇行。餘與龍鼓同。七曰行鼓。一名陀羅鼓。上大下小。面徑一尺八分。腰徑一尺二寸九分六釐。高一尺五寸一分二釐。底徑五寸一分八釐九毫。面匡俱繪五采雲龍。周圍施貼金銅釘。旁釘貼金環。繫以黃絨紉。跨於馬上鼓之。下馬陳於架。架三柱。高三尺。上有銅金鐵鉤。中以鐵為樞而撐之。八曰手鼓。其制扁而小。面徑九寸一分二毫。腰徑一尺二分四釐。厚二寸一分六釐。頂高二寸。柄及托雲共長一尺五寸。面繪雲龍。邊施貼金釘。匡與柄皆髹以朱。頂及托

雲皆塗以金。左手持。右手以槌擊之。九曰小杖鼓。制如杖鼓而小。或為杖鼓三分之二。或二分之一。上下綴金鉤各六。面繪花文。匡髹以朱。繪金。左手持。右手以杖擊之。十曰木詞鼓。制如龍鼓而微小。面徑一尺三寸九分。高六寸一分。匡旁釘貼金銀二。繫黃絨紉懸於項而鼓之。採桑歌所用鼓同。十一曰腰鼓。面徑一尺五寸二分。高一尺六寸。匡髹以漆。繪花文。座用檀。四柱交跌。施銅鐻以懸之。柱高二尺三寸一分。十二曰得勝鼓。面徑一尺六寸一分。厚五寸八分。座為

四柱高三尺一寸五分。上為壺盧形。施銅鑲以懸之。匡髹以朱。通繪雲龍。鼓衣與大鼓同。木之屬四。一曰祝。斲木為之。形方如斗。上廣下狹。上方二尺一寸八分七釐。下方一尺六寸九分四毫。深一尺四寸五分八釐。一面正中為圓孔以出音。三面正中各為圓鼓形。隆起以受擊。徑皆四寸八分六釐。裏面髹黑。外面繪山水樓閣。四角立柱。髹以金。擊具曰止。長四寸八分六釐。柄長一尺二寸一分三釐六毫。承以趺。高三寸三釐四毫。方二尺四分八釐。二曰敔。以木為伏。

虎通長二尺一寸八分七釐。頭高九寸四分七釐七毫。尾高八寸一分。背上為齟齬。凡二十七。長七寸二分九釐。闊一寸三分六釐五毫。高一寸四分五釐八毫。虎身為紅黑斑文。齟齬備五色。以三色相閒。承以趺。高一尺二分四釐。長二尺一寸八分七釐。髯以金。趺上為崇牙。旁施兩耳。以置簀。簀以竹為之。長二尺四寸三分。析其半為二十四莖。於齟齬上橫轆之。三曰畫角。規木為之。腹廣端銳。虛其中。長五尺四寸六分一釐二毫。腹徑四寸三分二釐。上徑一寸二分一

簠五毫。下徑一寸四分四釐。上下束以銅箍各一。中束以藤箍五。通髹以黑漆。兩端繪雲。上節繪寶相花文。中繪雲龍。下繪海馬。以木哨入角端吹之。四曰拍版。斲檀為之。左右各三片。長一尺一寸五分二釐。上闊二寸一分六釐。下闊二寸五分六釐。上橫穿二孔。聯以黃紉。又慶隆舞樂拍版。四片。束其三。以一拍之。長一尺一寸一分五釐。上闊二寸二釐。下闊二寸四分三釐。凱歌樂拍版。三片。束其二。以一拍之。長一尺七分上闊二寸。下闊二寸三分五釐。○舞之屬五。一

曰節有二。一結旒為之。朱杠長七尺二寸九分。其端下曲。為龍首。銜旒九重。旒俱長六寸四分。八釐。覆以金葉。束以綠皮。繫長五寸七分六釐。垂綵長七寸二分九釐。中和韶舞用之一編竹。為之。形如箕。中徑一尺五寸七分六釐。旁徑一尺三寸六分五釐。口闊一尺三寸六分五釐。掌闊一尺五寸三分六釐。通繫以朱。背繪虎形。用圓竹二劃之。竹長一尺一寸五分二釐。上合下分。相距一寸九分四釐。四毫。燕樂舞用之。二曰干。以木為質。首如圭形。中高三尺六寸四分五

釐。兩旁高三尺二寸四分。上闊七寸二分九釐。下闊六寸四分八釐。上繪龍首。下繪交龍。中間各朱書干解四字。曰雨暘時若。曰四海永清。曰倉箱大有。曰八方教甯。曰奉三永奠。曰得一為正。曰百神受職。曰萬國來庭。背髮以朱。為曲木柄。中和韶舞武舞生左手執之。三曰戚。以木為斧形。髮以黑漆。其刃白。自背至刃闊五寸一分二釐。其杪上為圭首。長二寸八分八釐。亦黑色。其下朱色。長一尺五寸七分七釐。武舞生右手執之。四曰羽。以木為柄。刻龍首。植雉羽於上。通

長二尺九寸一分六釐。髹以朱。文舞生右手執之。五曰箏。截竹為之。長一尺七寸五分一釐。徑四分六釐八毫。孔六。髹以朱。文舞生左手執之。○蒙古樂器四。一曰胡笳。以木為管。飾以樺皮。長二尺三寸九分六釐。內徑五分七釐。為三孔。兩端加角。末翹而上。口哆。加角哨吹之。二曰箏。絃六。通髹以金漆。前後梁髹以黑漆。邊繪夔龍。餘與慶隆舞樂箏同。三曰胡琴。制如奚琴。剡木為之。髹以金漆。龍首方柄。槽脣而下銳。腹冒以革。背有脊棱。通長三尺二分三釐。龍首下為山。

口。其後開槽。設檀軸二。綰絃。槽面設柱承絃。絃二。其山口至柱長二尺二寸三分。另用木杆長二尺六寸一分九釐。繫馬尾八十一莖。軋之。四曰口琴。以鐵為之。一柄兩股。中設一簧。柄長三分二釐四毫。股與簧俱長二寸八分八釐。簧端點以蠟珠。銜其股而鼓之。○番部樂器十有五。一曰箏。十四絃。通髹以金漆。梁髹以黑漆。餘與慶隆舞樂箏同。二曰琵琶。通髹以金漆。匙頭及邊均繪金夔龍。餘與慶隆舞樂琵琶同。三曰胡琴。以椰為槽。竹為柄。曲首山口及柄兩端以駝

骨為飾。通長三尺七寸二釐。以竹弓繫馬尾八十一莖軋之。四曰二絃。斲樟為之。槽面用桐。其體長方。底有孔。通長三尺五分五釐八毫。絃長二尺三寸四釐。上端為山口。設兩軸綰絃。槽面施覆手。山口下為十七品。按寅卯度分取聲。如琵琶之制。通髹以金漆。曲首槽匡俱繪金夔龍。品軸覆手俱用紫檀。山口軸端及絃孔覆手上。俱以魚牙為飾。五曰三絃。與慶隆舞樂三絃同。六曰月琴。斲檀為之。槽面用桐。八角曲項。四絃。通長三尺九分八釐八毫。曲項中間為山口。下

設四軸。綰絃。絃長二尺三寸四釐。山口下以象牙為十七品。軸與絃孔均以鉞角為飾。七曰提琴。竹柄。木槽。上面冒以氈皮。虛其下。龍首通長二尺六寸七分一釐。絃四。設四軸穿柄。綰之。用小金鑲貫絃。束於柄。以竹弓繫馬尾二束。軋之。柄端及軸均以象牙為飾。八曰火不思。桐柄。梨槽。冒以氈皮。通長二尺七寸三分一釐一毫。四絃。槽面設柱。自山口至柱。絃長一尺七寸七分。四釐。上端設四軸。綰之。俱在右。通髹以金漆。曲首兩旁。繪金夔龍。中梭及下首均以象牙為飾。

九曰軋箏。似箏而小。剡桐為之。其梁及尾邊用紫檀。髹以金漆。邊繪金夔龍。通長二尺二寸二分。四釐七毫五絲。前廣四寸四分二釐二毫。後廣三寸四分五釐一毫。底有孔二。其絃十。梁內絃長一尺六寸一分八釐。又承以柱。以小圓木軋之。十曰笙。十一曰簫。十二曰笛。與中和韶樂笙簫笛同。十三曰管。十四曰雲鐃。與丹陛大樂管雲鐃同。十五曰拍版。制如凱歌樂拍版而小。長八寸九釐。上闊一寸四分五釐八毫。下闊一寸九分四釐四毫。朝鮮國樂器三。一曰笛。與

中和韶樂笛同。二曰管。與丹陛大樂管同。三曰
排鼓。制如龍鼓而微小。面徑一尺二寸九分六
釐。腰徑一尺三寸六分四釐。厚四寸三分二釐。
面繪正龍。上下施貼金釘。匡髹以朱。繪行龍。旁
有金銀二。以黃絨紉懸於項而擊之。○瓦爾喀
部樂器二。一曰威策。以蘆為管。面孔三。長五寸
三分七釐。徑二分四釐九毫。以金為口而下吻。
長二寸三分二釐。上口設簧吹之。二曰奚琴。與
慶隆舞樂奚琴同。○回部樂器八。一曰達卜。木
匡。冒以革。形如手鼓而無柄。有二。其一。面徑一

尺三寸六分五釐二毫。厚二寸二分七釐五毫。其一。面徑一尺二寸二分四釐。厚一寸六分二釐。通髹以黃。面繪綠獅二。以手擊之。二曰那嘴喇。制如行鼓。以鐵為匡。上天下小。冒以革。兩具。皆面徑六寸四分八釐。底徑二寸六分二釐。高四寸八分六釐。旁為小銀。聯以黃絨。劍末垂流蘇。左右手各以木杖擊之。三曰哈爾扎克。狀類胡琴。以椰為槽。面徑二寸五分六釐。冒以馬革。底開一孔。側開二小孔。面設柱。槽上木柄。通長一尺八寸二分有奇。柄上端為山口。圓孔。山口

上為圓軸二。柄面左右各為方軸五。槽下鐵柄長五寸一分二釐。為鑲二。以馬尾二縷其絃。每縷約八十餘莖。上自山口穿後繫於圓軸。下繫鐵柄之鑲。馬尾絃下有網絲絃十。下亦分繫於鐵柄。上繫木柄方軸各一。另製圓木杆為弓。上為銅鑲。繫馬尾八十餘莖。軋馬尾絃應銅絃取聲。四曰喀爾奈。狀類洋琴。以木為胎。虛其中。厚三寸七分一釐七毫九絲。左端直。右端為曲形。前長二尺五寸一分五釐。後長九寸一分二毫。闊一尺六寸三分九釐四毫四絲。左端施木梁。

右施木軸。以網絲為絃。凡十有八。第一絃用單絃。餘俱雙絃。絃本繫木梁。末由木軸入於右端。承以柱。柱形曲。與右端相應。以手冒撥指彈之。五曰塞他爾。狀類二絃。以木為槽。形如筊。冒以革。連柄共長三尺四寸二分五釐有奇。柄端二軸。縮絲絃二。面三軸。左側四軸。縮鋼雙絃一。單絃六。槽面設柱。柄設絃箍二十三道。彈時左手按絃箍。右手冒撥指彈絲絃。應鋼絃取聲。六曰喇巴卜。木槽通柄。共長二尺七分七釐六毫五絲。槽形如半瓶。柄側為二軸。上端後曲為五軸。

以絲絃五繫曲柄之軸。鋼絃二繫直柄之軸。絃本通繫於槽下側面。以手冒撥指。彈絲絃應鋼絃取聲。七曰巴拉滿。以木為之。本小末大。飾以銅形如頭管而有底。管長九寸四分。上徑八分。下徑一寸三分。面有七孔。後出一孔。上口加蘆哨吹之。八曰蘇爾奈。狀類金口角。木管長一尺四寸一分四釐。為孔八。上下皆飾以金。木管上加銅管蘆哨以吹之。銅管長三寸一分五毫有奇。蘆哨長三分五釐。○廓爾喀部樂器五。一曰丹布拉。以大匏為槽。桐為柄。通長三尺一寸六

分。柄端立軸二。左右各一。以綰鐵絃四。槽面設角柱承之。二曰薩朗濟。刻木為之。槽面闊三寸。冒以革。束以黃韋。柄長五寸二分。項長三寸。廣二寸五分。為壺盧形。中間為山口。納韋絃四。面以象牙刻佛為飾。左右各設二軸。綰絃。柄面為孔。以納鐵絃。下設軸九。以綰之。槽面設柱。亦為九孔。以納鐵絃。而上承韋絃。自山口至柱。絃長八寸二分。以柔木施馬尾。按掌之。三曰達布拉。兩具俱刻木為之。面冒以革。其一。面豐底銳。徑六寸七分八釐。高四寸五分。其一。底微豐而漸

削徑四寸五分。高六寸六分。四圍俱施絲條。聯以綵縷。繫於腰閒。左右手合擊之。四曰達拉。范銅為之。制如銅鈸而小。徑二寸一分。中間隆起者如小浮漚。各為孔。以綵縷貫之。五曰公古哩。范銅為鈴。各徑四分。面為十字紋。中置銅片。背為紐。以綵縷聯之。五十枚為一串。共四串。二人分繫於股。雙足騰趯以出聲。○安南國樂器八。一曰丐鼓。木匡。上面冒革。虛其下。徑八寸四分。四圍密釘。承以文竹架。三足。或左手承鼓。右手以竹桿擊之。二曰丐哨。截竹為之。兩端用角。制

如橫笛有二。俱長一尺九寸五分。徑七分。為節
共二十有一。左為吹孔一。次一孔加竹膜。右孔
六。末為孔二。嚮上以出音。旁又有二孔對出。貫
黃綾以為飾。通髹以漆。三曰弓彈絃子。斲檀為
之。槽方而橢。面冒以革。通長二尺九寸四分。柄
端鑿空納絃。設三軸綰之。絃自山口至柱長二
尺四寸。四曰弓彈胡琴。竹柄。以檀為槽。形如筍。
面冒以革。長二尺二寸六分。設竹柱承絃。絃二。
其柄上曲。鑿空設兩軸綰之。絃自山口至柱長
一尺八寸。餘與番部胡琴同。五曰弓彈雙韻。制

如月琴。以檀為之。檀面用桐。形如滿月。曲項四絃。通長二尺八寸六分六釐。柄端設四軸。綰絃。絃長一尺八寸二分。六曰弓彈琵琶。剡桐為之。通長三尺。背面通髹以漆。繪泥金花草文。上端鑿空納絃。絃四。設軸綰之。自山口至覆手。絃長二尺一寸四分。上有四象。下有十品。山口絃孔俱以象牙為飾。七曰弓三音鐺。范銅為三。形如雲鐺。上。徑二寸四分五釐。右。徑二寸三分八釐。左。徑二寸三分。各為四孔。以銅絲繫於鐵圈之中。圈徑四寸五分。相聯如品字形。下以

二鐵絲綰之。承以檀木柄。八曰弓拍。以檀為版。
三。長八寸五分。闊八分。其一上方。加二銅釘。綴
以連錢。其一背鑄雁齒。其一右面為鋸牙形。歌
時左手執其二相擊。右手執鋸牙形版。以引擊
雁齒版而成聲。謹按。趙南國樂。嘉慶八年。停止採備。○緬甸國樂
器十有二。粗細句五。一曰接內塔兜呼。制類手
鼓。以木為匡。長一尺四寸六分。兩面俱冒以革。
面徑五寸一分六釐。四圍以絲條相結。如纓絡
狀。兩端各有一紐。繫以帛。橫懸於項。以手擊之。
二曰稽灣斜枯。范銅為鐺八。一徑四寸九分。一

徑四寸七分。一徑四寸三分。二徑四寸二分。一
徑三寸九分。一徑三寸八分。一徑三寸七分。以
木為架。上下共方格八。分繫於其中。以角槌擊
之。三曰聶兜姜。制如金口角。規木為管。范銅為
口。式如竹節。近下漸哆。管長一尺三寸二分。徑
九分五釐。前孔七。後孔一。銅口長六寸八分。徑
五寸九分。管端形如盤。上加銅哨。再加蘆哨於
銅哨上吹之。上下俱用綵紉繫束。以象牙為飾。
旁有銅籤。以彌管與銅聯接罅隙之處。四曰聶
兜姜。制如聶兜姜而小。管長八寸六分。口長

二寸。徑三寸三分。餘與聶兜姜同。五曰結莽聶兜布。范銅為二。形如小和鉢。面徑三寸五分。中間隆起者一寸三分。各穿圓孔。以韋貫之。細緬旬七。一曰不壘。以竹為管。長一尺二寸六分。徑七分。上端以木塞其半為吹口。前孔八。上一孔加竹葉為膜。後孔一。二曰巴打拉。以木為槽。形如船。身長二尺七寸五分。高五寸。闊四寸八分。兩端上下各為山峯形。鐫如意頭。均高一尺。前山峯徑四寸六分。後山峯徑三寸五分。底圓徑三寸。中連座三層。長八寸六分。闊四寸七分。每

層厚六分。兩山峯之尖。以絲絃排穿竹版二十
二片。皆闊一尺。第一片長五寸二分。厚三分五
釐。以次每片長遞加三分。厚遞減。至末一片長
一尺一寸五分。厚三分。以竹裏綿為捶二。擊之。
竹版本色。槽內外並座繫以朱。繪金蓮花文。三
曰蚌。札。規木為匡。高一尺。上大下小。冒以革。面
徑六寸一分。底徑四寸。四圍俱繫革條。以手擊
之。四曰總稿機。曲木為柄。通槽面平背圓。蝎形。
槽長二尺二寸五分。闊五寸三分。高五寸五分。
背圓徑三寸。以曲柄安入槽中。露其半以為履。

手。長一尺二寸。高八分。厚四分。為絃孔十有三。
面冒以革。為四孔以出音。圓徑五分。槽外曲柄
如蝎尾。長二尺四寸。圓徑四寸。以十三絃繫於
覆手之孔。各長四尺。用長三尺紅絲繩十有三。
接絃頭斜束於曲柄有差。曲柄髹以朱。繪金蓮
花文。槽面亦髹朱。背髹以黑漆。以手彈之。五曰
密穹總。以木為魚形。通長四尺一寸四分。其形
方。腹下通長刻槽無底。身長二尺二寸九分。高
三寸八分。間三寸三分。兩旁鐫鱗甲。面設品五。
各長一寸四分。厚二分。第一品高四分。遞減至

第五品高二分。面為小圓孔九以出音。徑各一分五釐。首形銳而上出。長八寸五分。口圍六寸八分。項圍一尺一寸五分。顴鬚角鉅齒圓睛。尾形亦銳。長一尺。末圍二寸八分。近腹處圍一尺。鏤細長紋。項上以銅條為山口。長一寸。圍徑二分。繫絃三於尾上。釘小銅環以貫絃。尾旁鑿孔以軸綰之。左二右一。軸長六寸。身首尾均髹以漆。以手彈之。六日得約總。以木為扇形。通長二尺五分。面長一尺。上闊四寸五分。下闊五寸八分。中腰兩旁彎曲如如意形者各九分。後面同。

腔厚九分。上下出牙各一分。柄長五寸五分。圍四寸四分。剗其上半為槽。以設絃軸三。形如艾葉。左二右一。各長二寸五分。柄上刻雙鳥形。長五寸。金漆面。末施木如塔形。以繫絃扣。高一寸九分。髹以朱。正中設竹柱承絃。以木弓繫馬尾八十餘莖軋之。面背柄均髹以黑漆。繪金蓮花文。七曰接足。制與星同。中間隆起者五分。○原定中和韶樂。麾及祝敔建鼓各一。編鐘編磬各十有六。琴與笙各四。瑟與排簫簫笛塤箎搏拊各二。祭祀中和韶樂。加瑟二。箎四。琴與笙各六。

簫與笛各八。旌節四。干戚羽籥各六十有四。
先師廟。琴。簫。笛。笙各六。篪四。旌節二。羽籥各三十有
六。餘同。

巡幸祭

方嶽用麾一。編鐘編磬各十有六。建鼓一。祝一。敔一。
琴四。瑟二。排簫二。簫四。笛四。笙四。塤二。篪二。搏
拊二。丹陛大樂。戲竹大鼓。方響。雲鑼。簫各二。管
笛。笙各四。杖鼓。拍版各一。中和清樂。丹陛清樂。
雲鑼。管笛。笙各二。手鼓。杖鼓。拍版各一。鹵簿前
部大樂。舊名大罕波。大小銅角及金口角各四。鏡歌

大樂。銅點銅鈸。雲鑼。笙管行鼓各二。金笛杖鼓拍版各四。鈺金口角各八。大小銅角龍笛各十有六。畫角龍鼓導迎鼓各二十有四。

巡幸。鏡歌鼓吹。銅點銅鈸行鼓各一。金蒙古角各二。銅鼓四。大小銅角金口角各八。鏡歌清樂。銅點銅鈸金行鼓各一。雲鑼笙管各二。笛四。導迎樂。導迎鼓拍版各一。戲竹雲鑼笙各二。笛四。管六。部燕樂。雲鑼鼓版各一。笙管笛各二。慶神歡樂。雲鑼鼓版各一。笙管笛各二。○順治十四年

諭。祭祀關繫國家大典。應用樂器。尤所以感格神明。必

精美完好。始足肅將誠悃。朕觀各壇所用。其中尚有
敝損。非朕祇事

天

地

祖

宗

社稷。及致敬古帝王聖賢之意。爾部即詳行查驗。應加
修整者。節次開列奏請。以便修整更換。○康熙二年。
改造中和韶樂丹陛大樂樂器。○五十二年。審
定黃鍾之度。為今營造尺七寸二分九釐。改造

各

壇

廟暨

宮殿樂器。

圓丘與

祈穀壇編磬皆用玉。餘以靈壁石為之。○五十四年。改
造

圓丘壇金鐘玉磬各十有六。○又奉

旨。太常寺為樂器告成。請載典訓具奏。此樂器原係明
朝所造。制度原好。但年久失真。不無音律未協之處。

朕因再為修理。並未創造。今以制作之功全歸於朕。似屬不可。大學士九卿詹事科道議奏。欽此。遵

旨議定。前代樂器。並未窮究根源。釐定矩度。今中聲既得。損益咸宜。若不垂載典冊。恐歲久仍復失傳。應將起造告成年月。一併宣付史館。○五十五年造

祈穀壇金鐘十有六。玉磬十有六。又頒中和韶樂於各直省

先師廟。○雍正元年議准。直省各州縣祭祀所用一應樂器。逐一繪圖。著為成式。釐為定數。刊刻頒

示遵行。○二年定耕藉三十六禾詞樂。用金鼓
簫笛笙拍版各六。○乾隆七年。奏定編鐘前後
之制。○又定祭

先蠶壇如遇

皇后親詣行禮。其樂視慶神歡加隆。器用方響十有
六。雲鑼與瑟杖鼓拍版各二。琴四。簫笛笙各六。
建鼓一。○又定。

先蠶壇採桑歌樂。用金鼓拍版各二。簫笛笙各六。○
又奏准。

太和殿所用中和韶樂。止有笙四。簫二。笛二。

殿廷高敞。惟聞鐘鼓之聲。按明會典所載樂器。笙十有六。簫十有二。笛十有二。多於今數倍。嗣後笙用八。簫笛用四。凡

宮內應用中和韶樂。一例增設。○九年奏准。增設天神

地祇壇樂器。○二十六年。

詔定中和韶樂鑄鐘之制。先是江西巡撫獲古鐘十一
圓進呈。奉

旨定為鑄鐘。又

諭著莊親王欽遵

皇祖御定律呂正義鍾律尺度。參考定制。鑄造十二律
鍾。鐘一分。以備特懸。其舊有鍾。鐘內缺一圓。亦著依
式補鑄。欽此。遵

旨。將製造鍾。鐘尺度具奏。並請

御製鍾銘。奉

旨。不必燒古。著鍍金。鐫識處。前面寫鍾銘。後面寫本鍾
律呂名。○又奏准。增製特磬十二。以和聞玉為之。各
為特懸。以配金鍾。○又奏准。繪畫鍾。鐘特磬
並圖說。載入律呂正義後編。○又奏准。

奉先殿增設鍾。鐘特磬。並凡設有中和韶樂之處。俱增

造鐃鐘特磬。○三十三年奏准。

關帝廟增設方響二。雲鐃二。管二。笛二。簫二。笙二。鼓二。拍版二。又奉

旨。再添造壘二。篪二。排簫二。笛二。○嘉慶六年奏准。增奉

文昌廟祀所用樂器。與

關帝廟同。

欽定大清會典事例卷五百三十一

樂部

樂章

中和韶樂一

中和韶樂○

圜丘

始平之章

迎

帝神

欽承純祐兮於昭有融。時維永清兮四海攸同。輸忱
元祀兮從律調風。穆將景福兮迺春微躬。淵恩高厚
兮期亮天工。聿章彝序兮夙夜宣通。雲軒延佇兮鸞
輅空濛。翠旗紛裊兮列缺豐隆。肅始和暢兮恭仰

蒼穹百靈祇衛兮齋明辟公。

神來燕娛兮惟

帝時聰協昭慈惠兮邀鑒臣衷。

景平之章

真玉帛

靈旗爰止兮樂在縣。執事有恪兮奉玉筵。奉昭
誠敬兮駿奔前。嘉玉量幣兮相後先。來格洋洋
兮思儼然。臣忱翼翼兮告中虔。

咸平之章

進俎

吉蠲為饔兮肅豆遵。升肴列俎兮敢弗虔。毛魚
鼈栗兮薦膏鮮。致潔陶匏兮香水泉。願隨降鑒

兮駐雲輶。錫嘉福兮億萬斯年。

壽平之章

初獻

玉帛肅陳兮明光。桂漿初醞兮信芳。臣心迪惠
兮奉觴。醴齊載德兮馨香。靈慈徽眷兮喬皇。勤
仰止兮斯徜徉。

嘉平之章

亞獻

考鐘拂舞兮再進瑤觴。翼翼昭事兮次第肅將。
醉顏容與兮蒼几輝煌。穆穆居歆兮和氣洋洋。
生民望澤兮仰睨玉房。榮泉瑞露兮慶無疆。

永平之章

終獻

終獻兮玉笋清。肅穆兮薦和羹。馨管鐸兮福
祀孔明。旨酒盈盈兮勿替思成。明命顧諟兮福
羣生。八龍蜿蜒兮苞羽和鳴。

熙平之章

微

一陽復兮協氣伸。盥薦畢兮精白陳。旋廢徹兮
敢逡巡。禮將成兮樂欣欣。瞻九閭兮轉洪鈞。福
施下逮兮佑此人民。

清平之章

送

帝神

升中告成兮晦霽壇場。穆思迴盼兮雲駕洋洋。
臣求時惠兮感恩馨香。願蒙博產兮多士思皇。

天施地育兮百穀蕃昌。殖我嘉師兮正直平康。

太平之章

望燎

隆儀告備兮誠既將。有虔秉火兮炳越芳。雷車
電邁兮九龍驤。紫氛四塞兮靈旗揚。蒸民蒙福
兮順五常。惟予小子兮敬戒永臧。

祈穀

祈平之章

迎

帝神

帝篤祐民兮求莫匪舒。小民何依兮飲食惟需。莫嘉於
穀兮萬事權輿。為民請命兮豈非在予。日用辛
兮百辟趨。暉將出兮東風徐。惟予小子兮敬盥

陳乎。皇皇龍駕兮。穆將愉。

綏平之章

真玉帛

念茲稼穡兮。惟民天。農用八政兮。食為先。雨暘時若兮。玉燭全。粒我蒸民兮。迄用康年。仰三無私兮。昭事虔。奉璋承帛兮。慄若臨淵。

萬平之章

進祖

鼎烹兮。苾芬。嘉薦兮。無文。升黼黻兮。惟摯。黷鄭達兮。干雲。昭民力兮。普存。惟明德兮。馨聞。

寶平之章

初獻

初獻兮。元酒盈。致純潔兮。儲精誠。瑟黃流兮。要

承酌其中兮外清明。儼對越兮維清。

帝心歆假兮綏我思成。

穰平之章

獻亞

犧尊啟兮告虔。清醑既馨兮陳前。禮再獻兮祠
筵。光煜燭兮非煙。

神悅懌兮優然。惠我嘉生兮大有年。

瑞平之章

獻終

終獻兮奉明粢。苾芬嘉旨兮清醴既釀。

神其衍兮錫祉。禮成於三兮陳詞。願灑餘瀝兮沐羣終。

臣拜手兮青墀。

渥平之章

饌微

俎豆具陳兮庶品宜。肝饗昭鑒兮荷

帝慈。饌告備兮玉几登歌。洋溢兮廢徹不遲。肅微忱兮告終事。

上帝居歆兮錫純禧。

滋平之章

送

帝神

祇奉

天威兮弗敢康。小心翼翼兮昭

穹蒼。雲垂九天兮露瀼瀼。翠旗羽節兮上翱翔。臣拜下

風兮肅傍徨。願沛汪澤兮民多蓋藏。

穀平之章

望

仰首兮天閭。混茫一氣兮浩無方。炳蕭束帛兮
薦馨香。精誠感格兮降福穰穰。四時順序兮百
穀以昌。臣同兆姓兮咸荷恩光。

常雩

霽平之章

迎

帝神

粒我蒸民兮

神降嘉生。雨暘時若兮百穀用成。龍見而雩兮先民有
程。臣膺

天祚兮敢不祇承。念我農兮心靡甯。肅明禋兮殫精誠。

靈皇皇兮穆以清。金支五色兮罽裼蜺旌。

雲平之章

奠玉帛

玉帛載陳兮磬管鏘鏘。為民請命兮惕弗敢康。
令清和兮遂百昌。麥秀岐兮禾第稂。日照九兮
時雨滂。俾萬寶兮千斯倉。

需平之章

進俎

越十雨兮越五風。三光昭明兮嘉氣蒙。

天所予兮眇躬。予小子兮懔降豐。紛總總兮賴

皇穹。惇牡騶亨兮達臣衷。

霖平之章

初獻

酌彼兮罍。洗飮兮椒香。愧明德兮維馨。假泰稷兮誠將。願

大父兮念茲衆子。穆將愉兮綏以豐穰。

露平之章

獻亞

再酌兮醕清。仰在上兮明明。庶來格兮鑒誠。曷敢必兮屏營。合萬國兮形神精。承

神至尊兮思成。

霑平之章

獻終

三酌兮成純。備物致志兮敬陳。多士兮駿奔。靈承無斁兮明禋。維蕃釐兮媪神。雨留甘兮良苗。

懷新。

靈平之章

徹饌

禮將成兮舞已終。徹弗遲兮畏

神。惘願留福兮惠吾農。

神之貺兮協氣融。遂及私兮越我公。五者來備兮錫用
豐。

靈平之章

送

帝神

祥風瑞霽兮彌靈壇。

上帝居歆兮風肅然。左蒼龍兮右白虎。殷齋齋兮紉綬
綬。仰九閭兮返御。介祉釐兮康年。

需平之章

望

碧琴琴兮不可度思。九奏終兮燿火暫而。

神光四燭兮休氣夥頤。安匪舒兮抑抑威儀。

帝求民莫兮日鑒在茲。錫福繁祉兮庶徵曰時。

大雩

高宗純皇帝御製雲漢詩八章

瞻彼朱鳥。爰居實沈。協紀辨律。羽蟲徵音。萬物芸生。
有壬有林。有事南郊。陟降維欽。瞻仰

昊天。生物為心。

一章

維國有本。匪民伊何。維民有天。匪食則那。螻蟻鳴矣。

平秩南訛。我祀敢後。我樂維和。鼉鼓淵淵。童舞娑娑。

章二

自古在昔。春郊夏雩。日維龍見。田燭朝趨。盛禮既陳。
神留以愉。雷師闐闐。飛廉衙衙。曰時雨暘。利我新畬。
章三

於穆

穹宇。在郊之南。對越嚴恭。

上帝是臨。繭栗量幣。用將悃忱。惴惴我躬。肅肅我心。六

事自責。仰彼桑林。

章四

權輿粒食。實維后稷。百王承之。永奠邦極。惟予小子。
臨民無德。敢懈祈年。潔衷翼翼。命彼秩宗。古禮是式。

五章

古禮是式。值茲吉辰。玉磬金鐘。太羹維醇。元衣八列。舞羽繽紛。既侑

上帝。亦右

從神。尚鑒我衷。錫我康年。

六章

惟

天可感。曰維誠恪。惟農可稔。曰維力作。恃天慢人。弗刈

弗穫。尚勤農哉。服田孔樂。咨爾保介。序乃錢鐸。

七章

我禮既畢。我誠已將。風馬電車。旋駕九閭。山川出雲。為霖澤滂。雨公及私。興鋤利耒。億萬斯年。農夫之慶。

方澤

中平之章 迎神

吉蠲兮玉宇開。薰風兮自南來。鳳馭紛兮後先。
嶽瀆藹兮徘徊。肅展禮兮報功。沛靈澤兮九垓。

廣平之章 奠玉帛

式時吉土兮中壇。思我郊兆兮孔安。辟公趨蹌
兮就列。考鐘伐鼓兮舞干。黃琮纖縞兮既奠。靈
光下燭兮誠丹。

含平之章 進俎

禮行樂奏兮未央。嘉肴有踐兮大房。牲牷告歆
兮惟恪。民力普存兮肅將。厚載資生兮無外。几
筵來格兮洋洋。

太平之章

初獻

醴齊融治兮信芳。博碩升庖兮鼎方。清風穆穆
兮休氣翔。

神明和樂兮舉初觴。治百禮兮禋祀。罄九土兮豐穰。

安平之章

亞獻

一茅三脊兮縮漿。山罍雲罍兮馨香。介黍稷兮
芳旨。再滌犧尊兮敬將。樂成八變兮綴兆儼。

皇祇兮悅康。

時平之章

終獻

紫壇兮嘉氣盈。旨酒思柔兮和且平。懔茲陟降兮心屏營。禮成三獻兮薦玉醴。含宏光大兮德厚。靈佑丕基兮永清。

貞平之章

徹饌

玉俎列兮庶品該。黃琮告徹兮雲翔徊。晏陰定兮曦景回。南訛秩兮日恢台。肅惟昭明兮孔邁。覃博厚兮奠九垓。

甯平之章

送神望塵

靈旗兮雲路。遵飛龍。蜿兮高。旻陰儀粹兮德純。
眷四海兮無塵。配

皇穹兮兩大。綏下土兮蒸民。

太廟時饗

先殿同

奉

貽平之章

迎

神

肇茲區夏

世德欽崇。九州維宅。王業自東。戎甲十三。奮起飛龍。維
神格思。

皇靈顯庸。

敕平之章

奠帛
初獻

於皇

祖考克配

上天。越文武功。萬邦是宣。孝孫受命。不忘不愆。羹牆永

慕。時薦斯虔。

敷平之章

獻亞

誌祀精忱。洋洋如生。尊罍再舉。於赫昭明。儼然有容。愜然有聲。我懷靡及。惕若中情。

紹平之章

獻終

粵若

祖德誕受方國。肆予小子。大猷是式。欲報之德。昊天罔

極。愬勤三獻。中心翼翼。

光平之章

微

庶物既陳。九奏具舉。告成於

祖。亦右

皇妣。敬徹不遲。用終殷祀。式禮如茲。

皇其燕喜。

又平之章

運

對越無方。陟降無迹。寢祐靜淵。孔安且吉。惟

靈在天。惟

主在室。於萬斯年。孝思無斁。

大裕

開平之章

迎

神

承眷命兮撫萬邦。嗣丕基兮

祖德昌。溯謨烈兮唐哉皇。虔歲祀兮式舊章。肅對越兮

誠悃將。尚來格兮仰休光。

肅平之章

奠帛
初獻

粵我

先兮肇俄朵。長白山兮鵲銜果。綿瓜瓞兮

天所佑。明之侵兮殲其左。混中外兮逮乎我。奉

太室兮安以妥。

協平之章

亞獻

紛歲蕤兮

列聖臨。假對越兮。心欽欽。陳纖縞兮。有壬林。擊浮磬兮。
彈朱琴。恪溥將兮。俶來歆。錫嘉祉兮。

天

地心。

裕平之章

終獻

椒飴芬兮

神留俞。爵三獻兮。旨清醕。萬羽干兮。樂孔都。禮明備兮。

罔敢渝。

神醉止兮咸樂胥。永啟佑兮披皇圖。

誠平之章

微饌

祝幣陳兮

神燕娛。尊俎將兮反威儀。悅且康兮徹弗遲。不可度兮

矧射思。禮有成兮釐百宜。鑒精誠兮第祿綏。

成平之章

建宮

龍之馭兮旋穆清。

神之御兮式丹楹。瞻

列聖兮優容聲。迴靈眎兮佑丕承。維

神聽兮和且平。繼序皇兮亶休徵。

社稷壇

登平之章迎神

媼神蕃釐兮厚德隆。嘉生繁祉兮功化同。壇壝
儼肅兮風露融。我稷翼翼兮黍芡芄。望雲駕兮
駉鸞龍。植璧秉圭兮冀感通。

茂平之章奠玉帛初獻

恪恭禋祀兮肅且雍。清醑既載兮臨齋宮。朝踐
初舉兮玉帛共。洋洋在上兮鑒予衷。

育平之章亞獻

樂具八奏兮聲喤喤。鬱鬱再升兮賓八鄉。厚德

配

地兮佑家邦。綏我豐年兮兆庶康。

敦平之章

終獻

方壇北宇兮

神中央。盈庭萬舞兮帔低昂。酌酒三爵兮桂醑香。

清雖舊邦兮命薄將。

博平之章

饌微

大房蓬豆兮儼成行。歆此吉蠲兮

神迪嘗。廢徹不遲兮餘芬芳。桐生茂豫兮百穀昌。

樂平之章

送

神

孔蓋翠旌兮隨風颺。龍轡容與兮指天闕。咫尺

神靈兮隔

穹蒼。願流景祚兮貺皇章。

徵平之章

望

玉既陳兮延景光。禮既洽兮恭瘞藏。願

神聽兮時予匡。垂

神佑兮永無疆。

社稷壇祈雨報謝

延豐之章

迎

神

九土博厚兮阜嘉生。方壇五色兮祀孔明。眈力

穡兮服耕。仰甘膏兮百穀用成。熙雲露兮瞻翠
旌。殷閭澤兮展精誠。

介豐之章

莫玉帛
初獻

神來格兮宜我黍稷。兩圭有邸兮馨明德。雷尊湛湛兮
干羽飭。油雲澍雨兮溥下國。

滋豐之章

亞獻

奏盥明兮申載觴。龍出泉兮靈安翔。周宸宇兮
滂洋。載

神庥兮悅康

霈豐之章

終獻

帔容與兮奮皇舞。聲遠姚兮震靈鼓。爵三奏兮
縮桂醕。號屏來御兮德施普。

綏豐之章

徽

協笙磬兮告吉頌。

神迪嘗兮禮莫愆。心齋肅兮增惕乾。咨田畯兮其樂有
年。

貽豐之章

送

神

撫懷心兮

神聿歸。華蓋邛偁兮驂虬駢。洪釐渥兮雨祁祁。公私霑
足兮孰知所為。

溥豐之章

望瘞

宣祝嘏兮列瘞繒。既允答兮時欽承。高原下隰
兮以莫不興。歌率育兮慶三登。

社稷壇祈晴報謝

延和之章

迎神

庶彙涵育兮陽德亨。句萌茁達兮物向榮。

方壇潔兮展誠。逌休和兮寰宇鏡清。祈昭格兮瞻翠旌。

沐日月兮百寶生。

兆和之章

奠玉帛初獻

瑟圭瓚兮通微合漠。

神歆明德兮鑒誠恪。昭回雲漢兮噓素篇。曜靈司晷兮
時暘若。

布和之章

獻亞

申獻侑兮奉明盥。薦馨香兮和氣隨。

神介福兮孔綏。耀光明兮九遠。

協和之章

獻終

帔羽舞兮八風啟。爵三奏兮告成享。順年祝兮
泰階朗。元冥收陰兮日掌賞。

雍和之章

獻微

遵俎徹兮受福多。笙磬同兮六律和。庶徵協兮

時無頗。熙樂利兮東作南訛。

豐和之章

送

神

神聿歸兮華蓋揚。羲和整馭兮虬螭翔。徧臨照兮協農祥。天清地甯兮黍稷豐穰。

咸和之章

望

禮告備兮祝嘏宣。望瘞繒兮心殫虔。占期十日兮陽德無愆。答

神貺兮萬斯年。

日壇

寅犧之章

迎

神

義馭兮寅賓。光煜燿兮紅輪。春已融兮交泰。循
典禮兮明禋。嚴大采兮祇肅。

神之來兮如雲。

朝曦之章

莫王
帛

杲黃道兮暎出東。肅將享兮玉帛同。美齊翼兮
王君公。盥以薦兮昭格通。

清曦之章

初
獻

御景風兮下帝扆。酌黃目兮椒其聲。將方舉兮
歌且舞。漾和盃兮龍旗青。

咸曦之章

亞
獻

再舉兮鬱金香。嘉樂合兮舞洋洋。德恢大兮
神哉沛。澹容與兮進霞觴。

純曦之章

終獻

式禮莫愆兮昭清。終以告虔兮休成。願

神且留兮鑒茹。以妥以侑兮忱誠。

延曦之章

徹饗

物之備兮希德馨。

神欲起兮景杳冥。徹不遲兮咸肅穆。照臨下土兮瞻

曜靈。

歸曦之章

送神

神

雲車征兮風馬翔。疾萬里兮臨萬方。報

神功兮以時享。祈

神祐兮永無疆。

月壇

迎光之章迎神

繼日代明兮象麗天。式遵九道兮臨八埏。玉律

分秋兮西顙躔。聿修盛祀兮樂在縣。

升光之章奠玉帛初獻

少采兮將事。玉帛兮載陳。式舉黃流兮挹犧尊。

籩豆靜嘉兮肴核芬。

瑶光之章

獻亞

齊醴兮載獻

神之來兮肅然。仰肸蠁兮鑒顧。挹清光兮几筵。

瑞光之章

獻終

夏瑟鳴琴兮銷玉鐙。

神嘉虞兮申三觴。金波穆穆兮珠煥黃休嘉研隱兮
溢四方。

涵光之章

獻微

對越在天兮禮成。徹登豆兮湛露零。

神悅懌兮德馨。世曼壽兮安以甯。

保光之章

送神

駕卿雲兮景星。御風和兮霞軒。

神留俞兮壇宇。福率土之黃丁。

歷代帝王廟

肇平之章

迎神

撫時兮極隆。造經綸兮顯庸。總古今兮一揆。貽
大寶兮微躬。仰徽猷兮有嚴闕宮。予稽首兮下
風。

興平之章

奠帛
初獻

莽若雲兮

神之行。予仰止兮在廷。承筐篚兮既登。偃靈蓋兮翠
旌。鑒予情兮歆享。薦芳馨兮肅成。

崇平之章

獻亞

貳觴兮酒行。念昔致治兮永清。瞻龍衮兮若英。
願紹錫兮嘉平。

恬平之章

獻終

鬱鬯兮獻終。萬舞洋洋兮沐清風。龍鸞徐整兮
企予。示周行兮迪予衷。

瀍平之章

獻微

盍肴蒸兮畢升。五音會兮滿盈。禮將徹兮虔告。

鑒孔忱兮載翼載登。

匡平之章

送望燎神奏其一。

羽幢繚繞兮動回風。和鸞並馭兮歸天宮。五雲

擁兮高馳翔。願回靈眄兮錫年豐。

其一

駕羣龍兮一氣中。焄蒿芬烈兮寶冥通。望

神光兮遙燭。惟終古兮是崇。

其二

先師廟

昭平之章

迎神

大哉

至聖德盛道隆。生民未有。百王是崇。典則昭垂。式茲

辟雍載虔。簠簋載嚴。鼓鐘

宣平之章

莫帛初獻

覺我生民。陶鑄賢聖。巍巍泰山。實子景行。禮備樂和。豆籩嘉靜。既述六經。爰斟三正。

秩平之章

亞獻

至哉

聖師克明明德。木鐸萬年。維民之則。清酒既醑。言觀秉翟。太和常流。英才斯植。

敘平之章

終獻

猗歟

素王示于物軌。瞻之在前。師表萬祀。酌彼金罍。我酒
惟旨。登獻雖終。弗遐有喜。

懿平之章

送

璧水淵淵。芹芳藻潔。既歆

宣聖。亦儀十哲。聲金振玉。告茲將徹。駿假有成。日月
昭揭。

德平之章

送

煌煌辟雍。四方來宗。甄陶樂育。多士景從。如土
斯埴。如金在鎔。佐予敷治。俗美時雍。

直省

文廟

昭平之章

迎神

大哉

孔子先覺先知。與天地參。萬世之師。祥徵麟紱。韻答金絲。日月既揭。乾坤清夷。

宣平之章

奠帛初獻

予懷

明德。玉振金聲。生民未有。展也大成。俎豆千古。春秋上丁。清酒既載。其香始升。

秩平之章

亞獻

式禮莫愆。升堂再獻。響協鼗鏞。誠孚靈顯。肅肅
雍雍。譽髦斯彥。禮陶樂淑。相觀而善。

敘平之章

終獻

自古在昔。先民有作。皮弁祭菜。於論思樂。惟

天牖民。惟

聖時若。彝倫攸敘。至今木鐸。

懿平之章

徹饌

先師有言。祭則受福。四海黌宮。疇敢不肅。禮成告徹。
毋疏毋瀆。樂所自生。中原有菽。

德平之章

送

神

鳧繹戔戔。洙泗洋洋。景行行止。流澤無疆。聿昭
祀事。祀事孔明。化我蒸民。育我膠庠。

關帝廟

格平之章

迎神

懿鑠兮焜煌。

神威靈兮赫八方。偉烈昭兮累禩。祀事明兮永光。達
精誠兮黍稷馨香。儼如在今洋洋。

翊平之章

奠帛
初獻

英風颯兮

神格思。紛綺蓋兮龍旂。斟桂醕兮盈卮。香始升兮明

樂惟

降鑒兮在茲。流景祚翊昌時。

恢平之章

獻亞

觴再酌兮告虔。舞千戚兮合宮懸。歆苾芬兮潔
蠲。扇巍顯翼兮

神功宣。

靖平之章

獻終

鬱鬯兮三申。羅蓬筮兮畢陳。儀卒度兮肅明禋。
神降福兮宜民宜人。

彝平之章

獻

物惟備兮咸有明德惟馨兮

神其受告徹兮禮終罔咎佑我家邦兮孔厚

康平之章

送望燎神奏其一

幢葆威蕤兮

神聿歸馭鳳軫兮騰虬駢降煙煴兮餘芬菲願回靈

盼兮德洽明威

其一

焄蒿烈兮燎有煇神光遙曠兮祥雲霏祭受福

兮茂典無違庶揚駿烈兮永奠疆畿

其二

文昌帝君廟

丕平之章

迎神

秉氣兮靈壇。翊文運兮赫中天。蜺旌兮戾止。雕俎兮

告虔。迓

神庥兮於萬斯年。

俶平之章

真帛初獻

神之來兮籩簋式陳。

神之格兮几筵式親。極昭彰兮靈貺。致蠲潔兮明禋。

升香兮伊始。

居歆兮佑我人民。

煥平之章

亞獻

再酌兮瑤觴。爍爍兮庭燎之光。申虔禱兮

神座。儼陟降兮帝旁。采醴潔兮齋遯將。綏景運兮靈長。

煜平之章

獻終

禮成三獻兮樂奏三終。覃敷元化兮繫神功。馨香達兮肸蠁通。歆明德兮昭察寅衷。

懿平之章

獻徹

備物兮惟時。告徹兮終禮儀。

神悅懌兮監在茲。垂鴻佑兮累洽重熙。

蔚平之章

送

一。望燎

神奏其一。奏其二。

雲輶駕兮風旗招。

神之歸兮天路遙。瞻翠葆兮企丹霄。願迴靈眷兮福
我朝。其一

煙煴降兮元氣和。神光燭兮

梓潼之阿。化成耆定兮橐弓戢戈。文治光兮受福則
那。其二

先農壇

永豐之章

迎神

先農播穀。克配彼

天。粒我蒸民於萬斯年。農祥晨正。協風滿壇。曰予小子。

宜稼於田。

時豐之章

奠帛初獻

厥初生民萬彙莫辨。

神錫之庥嘉種乃誕斯德曷酬何名可贊我酒惟旨。

是用初獻。

咸豐之章

亞獻

無物稱德惟誠有孚載升玉瓚。

神肯留虞惟茲兆庶豈異古初。

神曾子之今其食諸。

大豐之章

終獻

秬秠糜芑皆

神所貽。以之饗。

神式食庶幾。

神其丕佑。佑我黔黎。萬方大有。肇此三推。

屢豐之章

饌微

青祇司職。土膏脈起。日涓吉亥。舉耕藉禮。

神安留俞。不我遐棄。執事告徹。予將舉趾。

報豐之章

送神

匪且有且。匪今斯今。靈雨崇朝。田家萬金。考鐘

伐鼓。戛瑟鳴琴。

神歸何所。大地秧鉞。

慶豐之章

望

肅肅靈壇昭昭

上天。

神下

神歸其風肅然。玉版蒼幣。瘞埋告虔。

神之聽之。錫大有年。

先蠶壇

庠平之章

迎

神

軒轅御錄時。西陵位正妃。柔桑沃載。陽暉黼黻。
元黃供祀事。稱繭更縑絲。龍精報貺。椒屋宗師。

承平之章

初獻

春隄柳綻金。倉庚有好音。衣褱翟。致精忱。后月
躬應教。織絰。柘館式齋心。黃流初薦。肝饗如臨。

均平之章

亞獻

清和日正長。靈壇水一方。紆香陌。執遽筐。桑葉
陰濃風澹蕩。八育普嘉祥。玉鬯再陳。降福穰穰。

齊平之章

終獻

神皋接上園。葭蘆翠浪翻。鶯聲滑。藕花繁。天棘
絲絲初引蔓。三薦潔蘋蘩。雲依寶鼎。露浥旌旂。

柔平之章

徹饌

公宮吉禮成。有齋奉豆登。僮僮被肅肅升。廢徹
毋遲成。祇敬法坎不常盈。萬方衣被。百福其朋。

洽平之章

送神

神風拂廣筵。靈香下肅然。儀不忒。禮無愆。禺馬流星
相炳絢。玉竦亘平川。彤管司職。瑞藹登編。

神

祇壇祈雨報謝

祈豐之章

迎神

雲車馳兮風旆征。雷闐闐兮雨冥冥。表六合兮
穹青。橫大川兮揚靈。紛總總兮來會。穆予心兮

齋明。

華豐之章

奠帛初獻

東帛戛戛兮筐篚將。昭誠素兮鬯馨香。瘳此下
民兮侯有望。

神垂鴻祐兮未渠央。

興豐之章

亞獻

疏纂兮再啟。芳齊兮載陳。惠邀兮

神貺。福我兮民人。

儀豐之章

終獻

犧尊兮三滌。旨酒兮思柔。誠無斁兮嘉薦。

神燕娛兮降休。

和豐之章

饗

禮既成兮孔殷。潔明粢兮苾芬。廢徹兮不遲。至敬兮無文。

錫豐之章

送

神

流形兮露生。苞符兮孕靈。介我稷黍兮曰雨而雨。

神之格思兮祀事孔明。

太歲殿

保平之章

迎

神

協茲五紀。歲日月辰。

天維顯思。

神職攸分。於赫

太歲。統馭百神。承

天之德。陰隲下民。

定平之章。

奠帛初獻

禮崇明祀。涓選休成。潔齋滌志。量幣告誠。祈福維何。福我蒼生。陳饋捧酌。瞻仰雲旌。

嘏平之章。

亞獻

百末蘭生。有飴其香。升歌清越。磬管鏘鏘。牲牲

肥腍嘉薦令芳。

神其歆止。在上洋洋。

富平之章。終獻

執事有嚴。再拜稽首。三爵既升。以妥以侑。盥薦有孚。肅茲蓬豆。

神其歆止。人民曼壽。

盈平之章。徹饌

王省維歲。有報有祈。六氣無易。平衡正璣。嘉生蕃祉。澤及蜎飛。百禮以洽。承

神吉輝。

豐平之章

送神

神兮旋馭。肅瞻景光。靈颺上下。無體無方。嘉承惠和。
億兆溥將。歲歲大有。

神其迪嘗。

太歲壇祈雨報謝

需豐之章

迎神

持元化兮富媪神。秉歲籥兮六氣均。馳雲車兮
風旗。殷闐闐兮天門。情徬徨兮孔殷。

神之來兮康我民。

宜豐之章

奠帛初獻

薦嘉幣兮芳醴清。練予素兮升飴馨。紛肝變兮
格歆。甘膏沃兮

神所令。

晉豐之章

獻亞

啟山畧兮攝椒漿。侑

神宮兮靈洋洋。族雲興兮使我心若。惠嘉生兮降康。

協豐之章

獻終

清竿兮三斛。揚翟籥兮載愉。靈回翔兮六幕澤。
霽霽兮遍八區。

應豐之章

獻饌

禮儀備兮孔時。音繁會兮徹不遲。昭靈貺兮迓
蕃祉。田多稼兮汜獲之。

洽豐之章

送神

顧億兆兮誠求。涯甘澍兮

神之休。慶時若兮百昌遂。惠我無疆兮歲有秋。

岱廟

祈豐之章

迎神

資元氣兮鎮青陽。鼓素籥兮孕靈祥。行時令兮
東巡。式展禮兮誠將。

華豐之章

奠帛
初獻

金壇肅穆兮黼帷張。瑟黃流兮茅縮漿。昭誠素兮舉初觴。

神斯陟降兮格馨香。

興豐之章

亞獻

日觀兮雞鳴。天門兮鳳翔。犧尊兮再獻。維

神兮降康。

儀豐之章

終獻

醴齊兮三薦。金牒兮輝煌。申至敬兮無祈。鑒予誠兮齋莊。

和豐之章

徹饌

瞻石閭兮在望。實籩豆兮大房。黍稷兮非馨。明德兮是將。

錫豐之章。送神

禮成兮孔臧。

神駕兮龍驤。膚寸而合兮觸石而起。彌於六合兮降福穰穰。

嵩廟

祀豐之章。迎神

維

靈嶽兮鎮中央。展時巡兮洛之陽。虔望秩兮懷柔。儼

對越兮

神光

華豐之章

真帛初獻

石闕岩堯兮鳴鳳翔。奏瑤笙兮肅裸將。初奉竿兮陳篚筐。至誠昭格兮福無疆。

興豐之章

亞獻

潁水兮安恬。緹嶺兮青蒼。黃琮兮告薦。椒醑兮芬芳。

儀豐之章

終獻

香升兮華黍三滌兮嘉觴。答靈響兮萬門。登萬

寶兮咸昌。

和豐之章

饌徽

三臺蔚兮峻極。二室鬱兮相望。告徹兮維時。懷德兮靡忘。

錫豐之章

送神

雲車兮龍驤。仰止兮高閭。玉漿含滋兮金璧呈瑞。配

天作鎮兮長發其祥。

望祭

長白山

祈豐之章迎神

天作高山兮作而康。鍾王氣兮應期昌。巡豐沛兮來望。

躬禋祀兮虔將。

華豐之章

奠帛初獻

飮黃流兮進初觴。緬仙源兮心邀莊。霽佳氣兮鬱蒼蒼。欣來格兮惠無疆。

興豐之章

亞獻

朱果兮實蕃。靈淵兮澤霽。清尊兮再獻。綿祚兮純常。

儀豐之章

終獻

具薦兮玉饌。三酌兮瓊漿。思王迹兮彌欽。清緝
熙兮敢忘。

和豐之章

饌

松花水兮湯湯。鳴綠波兮泱泱。

神飫兮錫釐如川。至今莫量。

錫豐之章

送神

祀事兮孔臧。昭假兮永明。邁周岐兮越殷土。萬
有千歲兮長發其祥。